

《中國地方藝文薈萃》編委會 編

中國地方藝文薈萃

學苑出版社

華北東北卷·第一輯

華北東北卷·第一輯

捌

中國地方藝文薈萃

《中國地方藝文薈萃》編委會 編

貴州師範學院內部使用

山左明詩鈔三十五卷（二）

貴州师范学院内部使用

山左明詩鈔三十五卷（二）

（清）宋 弼輯

據清乾隆三十六年（一七七二）恩平縣衙刻本影印

山左明詩鈔卷第十四

李攀龍

八十八首

攀龍字于鱗號滄溟歷城人嘉靖甲辰進士歷

官河南按察使有滄溟集

明史文苑傳攀龍為諸生與許邦才殷士

儻學為詩歌已益厭訓詁學日讀古書里人共目為狂生及由陝西予告歸構白雪樓名曰益

高賓客造門率謝不見大吏至亦然以是得簡傲聲獨殷許輩過從靡間初官刑曹與濮州李

先芳臨清謝茂秦孝豐吳維嶽輩倡詩社王世貞初入社即與攀龍訂交先芳既去宗臣梁有

譽入是為五子未幾徐中行吳國倫亦至乃改稱七子諸人多少年才高氣銳互相標榜視當

世無人七才子之名播天下擯先芳維嶽不與已而榛亦被擯攀龍遂為之魁才思勁鷲名最

高獨心重世貞天下亦並稱王李又與李夢陽何景明稱李何王李好之者推為一代宗匠亦

多受世挾摘云朱仲立云滄溟天才跌宕奇氣特出天閑之逸足藝場之巨匠至元美云

李于麟如峨眉積雪閩風蒸霞高華氣色罕見
 其比又云七言律詩至仲默而暢獻吉而大子
 鱗而高胡元瑞云獻吉歌行于麟七律斯為
 雙鵬並運各極摩天之勢又云于麟七律高華
 傑起一代宗風文湛持云濟南七律接軫李
 頎可無愧色漁洋山人云滄溟弇州皆萬人
 敵惟蹊徑稍多古調盡
 失是以不逮弘正作者
 按于麟元美凌轍一時誠有啓人訾議者要諸
 其實實亦聲滿天地高踞詞壇籠罩英傑固非
 浪得名也虞山列朝詩指摘談柄吹毛求疵至
 於所錄寥寥不愜人意舍長取短句撫字裙黨
 伐餘習雖李杜詎能免乎于麟自足于
 古謗傷之言亦何足校姑論其概云爾

古意二首

秋風西北起吹我游子裳
 浮雲從何來安知非故鄉
 蕭蕭胡馬鳴翩翩下枯桑
 暮色入中原飛蓬轉戰場
 往路不可懷行役自悲傷

嶮陰有孤竹○常含千歲霜○截爲雄鳴管○其音嗚清商○豈
不在人耳○世已無鳳凰○新聲自一時○豔曲亂高倡○安得
日相御○並坐君子堂○

五子詩

王元美

元美何翩翩○夙昔秉靈異○京洛多冠蓋○搯觚各自媚○所
遇無此物○識曲聽其偽○大雅久沈邈○時淆作者至○俯仰
知音稀○含茲未伸意○但坐奮逸響○側身向天地○虛名喜
誤人○依依千載事○浮雲相攬持○白日一高視○四顧命儔
匹○中懷誰可致○凌厲子長氣○文章此未墜○

吳明卿

吳生蕩滌士。明德復何早。高舉凌風翮。青雲漫浩浩。良時冠帶會。斗酒弄辭藻。一彈中清商。下里難爲好。知音率已稀。隱几存吾道。衆言紛盈庭。膠漆各自保。掩耳走淆亂。褰裳度潢潦。罵坐豈盡狂。流俗令人老。陸沈金馬門。懷袖諫書草。白日有棄捐。遊子悲不造。

宗子相

婉婉維揚士。早歲絕人識。結撰有至愬。先民乃遺則。時俗徒嗷嗷。此物知者得。鬱鬱獨往心。百折江河力。披覩他自媚。我意安所測。念茲携手驩。榮名與令德。浩蕩陰陽移。吾道相終極。語及千載事。愀愀動顏色。中懷誰可喻。文章亦經國。一爲麟鳳言。三歎加餐食。

徐子與

徐生一何俊。本自青雲參。十年注天目。含意多素辭。既
聞風雅音。三歎文在茲。眄睐生榮名。徒倚卽前綏。念爲
理清曲。高言倡者誰。躑躅流俗間。攜手不相疑。時髦滿
要路。各謂中心私。世人豈同願。吾道欲委蛇。黃金買大
藥。朱顏庶可持。物理率如此。和光難獨窺。

梁公實

梁生起南海。負氣何倜儻。北交中原士。徘徊得吾黨。高
名豈宿著。一朝奮鴻響。時俗旣淆濁。振衣念獨往。禮法
難爲上。局促向天壤。王喬可等期。服食理非枉。引領還
羅浮。願言稅塵鞅。俯視太河流。逶迤浮雲上。盛衰隨物

化世情自鹵莽。善意當告誰。黃金如偃仰。

二子詩二首

盧次楸

盧栒起河朔。本自千金子。蕩滌諸生間。銷骨於積毀。世
無臨邛令。焉得心尙爾。深文類繆恭。罪罟中徂喜。乃繫
黎陽獄。十年攻一校。旣出浮邱賦。始知有株累。三嘆不
同時。帝曰付諸理。寥寥相如後。誰能識察此。

謝茂秦

謝榛吾黨彥。輒軻京華陌。黃金自不留。朱顏亦已擲。韋
布豈盡愚。咄嗟名士籍。握手金閨人。中情多所適。冠蓋
羅長衢。染翰日相索。遂令清廟音。乃在褐衣客。一出遊

燕篇流俗忽復易還顧望鹿門矯矯青雲翮

答寄俞仲蔚

鬱鬱龍門山下臨千仞谿孤桐生其間幹與浮雲齊湍
水擊其隈迴波蕩其涯野火燔其東飛雪塗其西莫則
止黃鵠朝則啼鷓鴣悲風從天來清商以淒淒伯牙不
能去傾耳中自諧匠石空扼腕運斤路何階琴瑟和神
人無乃非其懷結根旣已異雨露難獨取願言俯大壑
往就長離棲

許殿卿郭子坤見枉林園

明時再嬰疾隳官此悠悠永言命沮溺二子乃從游田
家何所有樽酒結綢繆散髮坐園中轆轤牽寒流擊我

青門瓜聊且充庶羞雨氣蕩暄濁披襟御南樓開軒納
山色餘映一以收雲霞羅四隅烟火蔽林邱伏陰秀禾
黍餉婦媚原疇西望華陽宮若見清河舟登臨信亦美
曠然銷人愁願君愛景光多暇還相求

九日集殿卿池亭分賦二首

下幽命詞客冠蓋至如麋白雲澹蕭晨黃花媚新醞麗
翰湖山清開樽魚鳥近零露偃池荷淒風攜籬槿徑回
片橋出林暝寒城隱臨流濯長纓飄然祛塵坻

寒空鵲嶺秀霽野湖水澗墟落散城隅池亭入幽豁雲
陰○山○水○鮮○石○色○含○霜○潔○白○鳥○下○烟○際○歸○鴻○起○天○末○返○照
欵長林羣流亂相聒紫蟹壯可持濁醪美堪掇秋高吹

老劇文園渴佳節有獨醒吾生豈云達

集張使君別業

清河迅寒流金輿杳空翠秋氣下高原蒼然西北至返
照散踈林蕭條烟景異零落復佳期茅茨况幽致握手
平生人笑談出往事舊游數子盡風流吾黨備千金抵
白髮一醉滿君意

集開元寺

流陰拂層岑返照翳深谷古寺入蕭條廻巖抱幽獨梵
影淨香臺鐘聲殷石屋絕壁棲禪誦懸厓下樵牧秋花
雨還瘦老樹霜逾禿寒泉可瑩心白雲况極目登臨客
自佳搖落時何速蔬色蕩腥羶苔光清簡牘新詩發神

秀舊游耿初服歸來杖屨便老去烟霞伏高城出睥睨
燈火通林麓言旋轉多興後期此同宿

送靳潁州子魯

華陽館前桑葉飛○荆軻臺上送將歸○爲言擊筑悲歌者○
當時酒人今是非○太守褰帷薊北來○燕山忽斷楚天開○
郡中曉日雩婁出○霧裏秋濤桐柏迴○黃金璽書發明光○
東走潁州西豫章○君家兄弟二千石○承恩不數尙書郎○
朱轡雙出領專城○五馬踟躕五馬行○漢主乘春徵計吏○
小馮何讓大馮名○

送新喻李明府伯承

爾昔紅顏客薊門○獻書不報哀王孫○一朝致身青雲裏○

上還開北海樽。余亦題詩郭隗臺。燕山秋色對衙松。
論交共惜黃金盡。此處空悲駿馬來。可憐郢曲今亾久。
下里之歌吾何有。文章稍近五千言。雅頌以還十九首。
才子新傳白雪篇。江城忽借使君賢。那堪西署爲郎者。
多病離居臥日邊。

贈張子含茂才

憶昔中丞全盛時。少年裘馬相追隨。忽逢世變夙心違。
逆旅荒涼舊識稀。古來萬事皆如此。何用空悲昨是非。
流水無情白日速。紅顏猶在黃金微。飲君莫辭燕市酒。
欲行不行重攜手。青雲今有故人存。好贈綈袍哀王孫。
送張子參募兵真定諸郡